



Վ. ԳԱՐՇԻՆ

ԱԶԴԱՆՇԱՆ

ՊԵՏԼՐԱՏ 1937
ՅԵՐԵՎԱՆ

30 MAY 2011

891.715

Վ. ԳԱՐՇԻՆ

7-36 ա

Ա. Զ. Դ. Ա. Ն. Շ. Ա. Ն.

Թարգմ. Հ. Տ. Ա. Վ. Ա. Գ. Յ. Ա. Ն.

Նկարները

Վ. ԲՈՐՈՒՄԻՉԵՆԿՈՅԻ

100-4084
42092
42092

ՊԵՏԶՐԱՏ



ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ ԱՆՍԵՐՈՒՄԻ ՄԱՍԻՆԱԿԱՆԱԿԱՆ ԲԱԺԻՆ
1937

Խմբագիր՝ Ռ. Զաւյան
Տեխ. խմբագիր՝ Լ. Ուսանյան
Արագրիչ՝ Ռ. Նսանյան

Գլավիճի լիազոր Կ—4474, հրաժ. 3982

Պասվեր 108, տնային 3000

Հեղինակ՝ Սարգսյան, Յերեխան, II Կնունյանցի, 4



Սեմյոն Իվանովը ծառայում էր լեռնաթուղում իբրև պահակ։ Նրա տնակից մինչև մի կայարանը տասնյերկու վերստ էր, մինչև մյուսը՝ տաս։ Այդտեղից չորս վերստ հեռու անցյալ տարի մի մեծ մանարան բաց արին։ Անտառի լեռներից սկիզբ էր առնում նրա բարձր ծխնելույզը, իսկ ավելի մոտիկ, բացի հարևան տնակներից, ել բնակություն չկար։

Սեմյոն Իվանովը հիվանդ է քայքայված մարդ էր։ Ինչը տարի առաջ նա լեղել էր պատերազմում. սպասավոր էր լեղել մի սպայի մոտ և նրա հետ մի ամբողջ արշավանք էր կատարել։ Սովածությունն էլ էր քաշել նա, սառնամանիքի տակ էլ էր ընկել, արևի տակ էլ էր խաշվել, ճանապարհ էր կտրել ամեն անգամ քառասուն, հիսուն վերստերով շոգին ու սառնամանիքին, լեղել էր նաև զնդակների տարափի տակ, բայց, փառք առածո, վոչ մեկը չէր դիպել։ Մի անգամ գունդը կանգնած էր առաջին ռազմադժուկում։ Ամբողջ մի շաբաթ տաճիկների հետ փոխադարձ հրաձգություն էր տեղի ունենում. պառկած է մեր շղթան, իսկ ձորակի աջն՝ կողմը՝

տաճիկներինը, և առավոտից մինչև լերեկո կրակում Սեմյոնի սպան նույնպես ձորակումն էր: Ամեն ուր, որա-
կան լերեք անգամ Սեմյոնը ձորակի միջով գնդի խոհա-
նոցներին, տաք ինքնայեռ ու ճաշ եր տանում նրա հա-
մար: Տանում է ինքնայեռը բաց տեղով, գնդակները
սուրում են, շրմփում քարերին, սարսափում է Սեմյոնը,
լաց է լինում, բաց գնում է: Պարոն սպաները շատ գոհ
եյին նրանից. նրանք միշտ տաք թեյ եյին ունենում:
Արշավանքից նա վերադարձավ անվնաս, միայն թևերն
ու վոտքերն եյին սկսել ցավել: Շատ տառապանքներ
կրեց նա այն որվանից: Յեկավ տուն — ծերունի հայրը
մեռավ, չորս տարեկան տղան նույնպես մեռավ կոկորդի
ցավից: Սեմյոնը մենակ մնաց իր կնոջ հետ: Բան դուրս
չեկավ նաև նրանց տնտեսությունից, ասենք դժվար ել է
հողը վարել ուռած ձեռքերով ու վոտքերով: Այլևս իրենց
գլուղում ապրելու հնար չունեին, գնացին նոր տեղեր՝
բախտ վորոնելու: Սեմյոնն իր կնոջ հետ լեղավ և՛ գծի
վրա, և՛ Խերսոնում, և՛ Դոնի կողմերում, բաց վոջ մի
տեղ բախտը չբանեց: Կինն աղախին մտավ, իսկ Սեմյոնն
առաջվա պես թափառում էր: Մի անգամ նա գնացքով
տեղ եր գնում: Կայարաններից մեկում, տեսնում է, կա-
յարանապետը, կարծես ծանոթ է: Նայում է նրան Սեմ-
յոնը, պետն ել է գնում Սեմյոնի դեմքը: Ծանաչեցին
իրար՝ բանից դուրս լեկավ, վոր իրենց գնդի սպաներից եր:

— Դու Իվանովն ես, — ասում է:

— Ծիշտ ալդպես, ձերդ բարեծնություն, լես ինքս
եմ վոր կամ:

— Դու վոնց ես ընկել այստեղ:

Պատմեց նրան Սեմյոնը՝ եսպես ու եսպես:

— Իսկ հիմի ուր ես գնում:

— Ինքս ել չեմ իմանում, ձերդ բարեծնություն:

— Վոնց թե չես իմանում, հիմար:

— Ծիշտ ալդպես, ձերդ բարեծնություն, գլուխ դնե-

լու տեղ չունեմ: Հարկավոր է, ձերդ բարեծնություն,
վորեք աշխատանք փնտռել:

Նայեց նրան կայարանապետը, միտք արեց ու ասաց.

— Ահա ինչ, ախպերս, մնա առաջժ կայարանում:
Դու, կարծեմ, ամուսնացած ես: Վորտեղ է կինդ:

— Ծիշտ ալդպես, ձերդ բարեծնություն, ամուսնա-
ցած եմ: Կինս կուրսկ քաղաքումն է, ծառայում է մի
վաճառականի մոտ:

— Դե, վոր ալդպես է, գրիր կնոջդ, թող գա: Ձրի
տոմս կճարեմ: Այստեղ մեր լերկաթուղու տնակներից
մեկն ազատվելու լե, քո մասին կխնդրեմ ուղեշրջանի
պետին:

— Շատ եմ շնորհակալ, ձերդ բարեծնություն, պա-
տասախնեց Սեմյոնը:

Նա մնաց կայարանում: Ոգնում եր կայարանապետի
խոհանոցում, փայտ եր ջարդում, բակը, կառամատուցն
եր ավլում: Մի շաբաթից հետո կինը լեկավ և Սեմյոնը
ձեռքի սայլակով գնաց իր տնակը: Տնակը նոր եր, տաք,
վառելու փայտ ինչքան ուզես կար: Նախկին պահակնե-
րից ել մի փոքրիկ բանջարանոց եր մնացել, կես դեսյատինի
չափ վարելահող ել կար լերկաթգծի լերկու կողմերում:
Ուրախացավ Սեմյոնը: Սկսեց միտք անել, թե ինչպես
տնտեսություն կսարքի իր համար, մի կով ու մի ձի
կգնի:

Նրան տվին ամբողջ պետք լեկած սարքը՝ մի կանաչ
որոշակ, մի կարմիր դրոշակ, լապտերներ լեղջուրիկ,
մուրձ, բանալի — պնդողակներն ամրացնելու համար, նիզ
բահ, ավելներ, բոլտեր, բեռներ. տվին լերկու կանո-
նագիրք և գնացքների չվացուցակը: Սկզբում Սեմյոնը
գիշերներն ել չեր քնում, շարունակ չվացուցակն եր ան-
գիր անում: Գնացքը դեռ լերկու ժամից հետո պիտի
անցնի, իսկ նա շրջում է իր դժամասը, նստում է տնա-
կի մոտ և միշտ նայում ու ականջ դնում, չե՞ն դողում

արդյոք ռեւսերը, չի՞ աղմկում գնացքը: Անգիր սովորեց նաև կանոնները: Զնայած լավ չեր կարգում, վանկ-վանկ, բայց և այնպես լավ սովորեց:

Ամառ եր: Աշխատանքը ծանր չեր, ձյուն մաքրել չկար, գնացքներ ել շատ չեղին անցնում այդ ճանապարհով: Շրջում ե Սեմյոնն իր վերստը որեկան յերկու անգամ, փորձում ե տեղ տեղ պնդողակներն ամրացնել, խիճն ե հավասարեցնում, ջրի խողովակներն ե նայում և տուն ե գալիս իր տնտեսութունը կարգի բերելու: Նրա տնտեսութունում, սակայն, մի խոչնդոտ կար. ինչ վոր մտքին դնում ե, վոր անի, այդ բոլորի մասին ճանապարհային վարպետին ե խնդրում, իսկ նա ուղեշրջանի պետին ե զեկուցում: Մինչև խնդիրքը յետ ե դառնում, ժամանակն անցնում ե: Սեմյոնն ու իր կինը նույնիսկ ձանձրանալ սկսեցին:

Անցավ մի յերկու ամիս, Սեմյոնն սկսեց հարևան պահակների հետ ծանոթանալ: Նրանցից մեկը զառամյալ ծերունի չեր, վաղուց մտածում ելին նրան փոխել, հազիվ եր տնակից դուրս գալիս: Նրա փոխարեն կինն եր շրջում յերկաթուղում: Մյուս պահակը, վոր կայարանին ավելի մոտիկ եր, յերիտասարդ մարդ եր, ինքը նիհար ու ջլուտ: Առաջին անգամ Սեմյոնը նրան հանդիպեց յերկաթգծի վրա, յերկու տնակների կես ճանապարհին, շրջագալության ժամանակ: Սեմյոնը գլխարկը հանեց, բարևեց:

— Բարի որ, — ասաց, — հարևան:

Հարևանը նայեց նրան կողքանց:

— Բարև, — ասաց:

Յետ դարձավ ու հեռացավ: Հետո ել կանալք հանդիպեցին իրար: Բարևեց Սեմյոնի Արինան հարևանուհուն: Նա ել չուզեց շատ խոսել, թողեց գնաց: Մի անգամ ել Սեմյոնը տեսավ նրան:

— Եդ վոնց ե վոր, — ասում ե, — քույրիկ ջան, քո մարդը խոսելու հետ իսկի գլուխ չունի:



Սեմյոնը քե գյուղի և քե արեւմտեցի մասին եր պատմում:

Մի պահ լուռ մնաց կինը, հետո ասում է.

— Ե՛հ, ի՞նչ պիտի խոսի նա քեզ հետ: Ամեն մարդ իր ցափն ունի... Գնա՛, աստված քեզ հետ:

Սակայն, անցավ ելի մի ամիս, ծանոթացան: Հանգիպում են Սեմյոնն ու Վասիլին լեռկաթղծի վրա, նստում են լեզրին, ծխամորճ են ծխում ու պատմում իրար իրենց ապրուստի մասին: Վասիլին ավելի շատ լուռ եր մնում, իսկ Սեմյոնը պատմում եր և՛ իրենց գոլգոլի մասին, և՛ արշավանքի մասին:

— Յես իմ կյանքում, — ասում է, — քիչ դարդ ու ցավ չեմ քաշել, չնայած դեռ ենքան ել շատ չեմ ապրել: Աստված ինձ բախտ չտվեց: Դե ում ինչ վոր ճակատին գրել է տերը, ենպես ել պիտի լինի: Բնա՛, եսպես է, Վասիլի Ստեպանիչ:

Իսկ Վասիլի Ստեպանիչը ծխամորճը ունի թխկացնելով դատարկեց, վեր կացավ ու ասաց.

— Ե՛հ, ճակատի գիրը չի, վոր իմ ու քո կյանքն ուտում է, այլ մարդիկ են: Ես աշխարհում մարդուց ավելի գիշատիչ ու չար գազան չկա: Գայլը գայլին չի ուտում, իսկ մարդը մարդին վողջ-վողջ է ուտում:

— Ձե, ախպերս, գայլը գայլին ուտում է, եդ մի ասա:

— Խոսքի որինակ ասացի: Բայց ինչ ուզում ես ասա՝ մարդուց ավելի դաժան արարած չկա: Թե վոր մարդկալին չարությունն ու ազահությունը չլինելին — ո՞վ չեր ապրի: Ամեն մեկը հենց ուզում է մսիցդ բռնի, մի լավ պատառ պոկի ու կուլ տա:

Մտքի մեջ ընկավ Սեմյոնը:

— Չգիտեմ, — ասում է, — ախպեր ջան: Գուցե և եդպես է, — իսկ թե վոր եդպես էլ է, ուրեմն հենց ասածուց է եդպես սահմանված:

— Իսկ թե վոր եդպես է, — ասում է Վասիլին, — ուրեմն մենք ել բան չունենք խոսելու իրար հետ: Մենք վոր

ամեն մի վատ բան ասածու վրա գցենք, ինքներս ել նստենք ու համբերենք, ուրեմն, ախպերս, մենք մարդ չպիտի լինենք, այլ անասուն: Ե՛ս է իմ ասածը:

Շուռ լեկավ ու գնաց, առանց հրաժեշտ տալու: Վերկացավ և Սեմյոնը:

— Հարեան, — բղավում է, — բա ինչի՞ համար ես հայհոյանք անում:

Հարեանը լեռ ել չնայեց, գնաց: Յերկար նայեց նրա լեռերից Սեմյոնը, մինչև վոր Վասիլին ծածկվեց ճանապարհի վորորտում: Վերադարձավ տուն ու ասում է կնոջը.

— Վա՛յ, Արինա, ինչ հարեան ունենք մենք՝ մարդ մի ասա, մի դե ասա:

Սակայն, նրանք չխռովեցին իրարից: Ելի հանդիպեցին և առաջվա պես խոսել սկսեցին, դարձյալ նույն բանի մասին:

— Ե՛, է, ախպերս, թե վոր մարդիկ եսպես չլինելին... չելինք նստի լեռ ու դու ես տնակներում, — ասում է Վասիլին:

— Ե՛, տնակն ինչ է վոր... վոչինչ, ապրել կարելի լի...

— Ապրել կարելի լի, ապրել կարելի լի... Այ, թե մարդ ես, դու ել... Շատ ես ապրել, քիչ սովորել, շատ ես նայել, քիչ տեսել: Աղքատ մարդու համար, ուզում ես տնակում, ուզում ես վորտեղ ել լինի, ապրուստ ուր է: Ուտում են քեզ ես գել ու գազանը: Ամբողջ հյուսթե են քամում քեզնից, թե վոր ծերացար՝ դուրս կգցեն, վոնց վոր մի թերմացք, խոզերին կեր կանեն: Դու ինչքան ոռճիկ ես ստանում:

— Դե, քիչ է, ինչ խոսք, Վասիլի Ստեպանիչ: Տասներկու ուրբի:

— Իսկ լեռ տասներեք ու կես: Դե թույլ տուր քեզ հարց տալ, ինչո՞ւ: Որենքով վարչությունից բոլորին ել հավասար է հասնում՝ ամիսը տասնհինգ ուրբի, վառելիք,

լուսավորութիւնն: Բայ, ել ո՞վ ե ինձ ու քեզ համար տա-
ներկու կամ թե տասներեք ու կես վորոշել: Թույլ տուր
քեզ հարցնել... Իսկ դու ասում ես՝ ապրել կարելի չե:
Դու հասկացիր, հո եստեղ խոսքը մեկ ու կես կամ չերեք
ռուբլու մասին չի: Թեկուզ հենց ամբողջ տասնհինգ ռուբլին
վճարելին: Կայարանումն ելի անցյալ ամիս: Դիրեկտորն եր
չեկել, տեսա իրեն: Շապես մի պատիվ ունեցա: Գնում ե
իր համար առանձին վագոնով: Դուրս չեկավ կառամա-
տույց, կանգնել ե... Ե՛հ, շատ չեմ մնա յես այստեղ, չե,
կգնամ՝ ինչքան վոր աչքս կտրի:

— Ախր ո՞ւր պիտի գնաս, Ստեպանիչ: Հեռվից ամեն
բան լավ ե յերևում: Շատեղ դու տուն ունես, տեղ ունես,
մի քիչ ել հող կա ձեռքիդ: Կինդ ել լավ աշխատում ե...

— Հոգ: Մի տեսնես դու իմ եդ հողը: Մի չովի ել
չկա ենտեղ: Գարնանն ուղեցի կողամբ տնկել, մեկ ել
տեսնեմ վարպետն չեկավ՝ «Ե՛ս, ասում ե, ի՛նչ բան ե:
Ինչո՞ւ առանց հայտնելու: Ինչո՞ւ առանց իրավունքի: Կը-
քանդես, ենպես, վոր հոտն ել չմնա»: Հարբած եր: Ուրիշ
անգամ բան ել չեր ասի, բայց եդտեղ սատանան մտավ
կողը... «Յերեք ռուբլի տուգանք»...

Լոեց Վասիլին, ծխամորձը քաշեց ու ասում ե կա-
մաց.

— Հենց քիչ եր մնացել, վոր պառկեցնելի տեղն ու
տեղը:

— Ե՛հ, հարեան, շատ տաքարցուն ես, այ, թե ինչ կա-
սեմ քեզ:

— Տաքարցուն չեմ, այլ ճշմարտութիւնն եմ խոսում
ու մտածում: Դեռ յես նրան կուտացնեմ, են կարմիր
ռեխին: Իրեն, ուղեշրջանի պետին պիտի գանգատ անեմ:
Տույց կտամ յես նրան:

Յեվ ճիշտ վոր գանգատվեց:

Մի անգամ ուղեշրջանի պետն անցնում եր ճանա-

պարհն ստուգելու: Յերեք որ հետո նշանավոր մարդիկ
պիտի գալին Պետերբուրգից՝ ստուգում կատարելու ե
մի՛նչև նրանց գալը ամեն ինչ պետք եր կարգի բերել:
Քննակ լցրին, հավասարեցրին, կոճերն ստուգեցին, բե-
վեռները պնդացրին, պնդողակներն ամրացրին, սյու-
ները ներկեցին, հրամայեցին անցումների տեղը դեղին
ավազ լցնել: Հարեան պահակ կինն իր հալիվորին ել դուրս
քշեց խոտը մաքրելու: Աշխատում եր Սեմյոնն ամբողջ մի
շաբաթ: Ամեն ինչ կարգի բերեց, իր բաճկոնն ել նորո-
գեց, մաքրեց, իսկ պղնձե ճարմանդը լավ փայլեցրեց
աղյուսով: Աշխատում եր նաև Վասիլին: Ուղեշրջանի պե-
տը չեկավ դրեզինով: Չորս բանվոր բռնակն ելին պըտ-
տեցնում, ժանանիմները վզովն են, սլանում ե սալակը
ժամը քսան վերստ, վոնց են գլխովն անիմները: Մոտե-
ցան Սեմյոնի տնակին: Մոտ ցատկեց Սեմյոնը, զեկուցեց
զինվորավարի: Ամեն ինչ կարգին եր:

— Դու վաղո՞ւց ես այստեղ, — հարցնում ե պետը:

— Մայիսի յերկսից, ձերդ բարեծնութիւն:

— Լավ: Շնորհակալ եմ: Իսկ հարցուր վաթսուհոր-
սերորդ համարում ո՞վ ե:

Ճանապարհի վարպետը (նա ել եր պետի հետ դրե-
զինով չեկել) պառասխանեց.

— Վասիլի Սպիրիդովը:

— Սպիրիդով, Սպիրիդով... Դա հենց նա յե, վորին
անցյալ տարի դուք նկատողութիւն ելիք արել:

— Նա ի՛նքն ե:

— Դե, լավ, մի կտեսնենք Վասիլի Սպիրիդովին:
Շարժվիր:

Բանվորները սղմեցին բռնակը: Դրեզինը ճամփա
ընկավ:

Նայում ե Սեմյոնը դրեզինին ու մտածում՝ «Դեհ,
մի խաղ պիտի խաղան հարեանիս գլխին»:

Մի յերկու ժամից հետո նա գնաց շրջագայելու։ Տեսնում է՝ գծի վրայով գալիս է մեկը, գլխի վրա էլ կարծես ինչ-վոր սպիտակ բան է յերևում։ Սկսեց դիտել Սեմյոնը — Վասիլին է։ Փայտը ձեռքին, մեջքին մի փոքրիկ կապոց, թուշն էլ թաշկինակով կապած։

— Հարևան, ես հուր եղպես, — բղավում է Սեմյոնը։

Մոտեցավ Վասիլին՝ դեմքն ալալված, կավիճի պես սպիտակ, աչքերը վարենի փայլ են ստացել։ Խոսել սկսեց — ձայնն ընդհատվում է։

— Քաղաք եմ գնում, — ասում է, — Մոսկվա... Վարչություն։

— Վարչություն... Ա՛յ, թե ինչ։ Ուրեմն գանգատ պիտի անես։ Ե՛հ, թող, Վասիլի Ստեպանիչ, մոռացիր...

— Ձե, ախպեր, չեմ մոռանա։ Ուշ է արդեն, մոռանալ չի լինի։ Տեսնում ես, նա ենպես ապտակ խփեց, արյունվա արեց։ Քանի կենդանի լեմ, չեմ մոռանա, չեմ թողնի եղպես։

Բռնեց Սեմյոնը նրա ձեռքը։

— Թող, Ստեպանիչ, ճիշտ եմ ասում. դրանից իսկի լավ բան չի դուրս գա։

— Ե՛հ, լավ բանս վորն է։ Ինքս ել գիտեմ, վոր բան չի դուրս գա, ճիշտ եյիր ասում դու ճակատագրի մասին։ Ինձ համար լավ չի լինի, բայց արդարության համար, ախպերս, պինդ պիտի կանգնեմ։

— Ախր, մի ասա, ինչից դուրս լեկավ ես բոլորը։

— Դե, ինչից... Նայեց ամեն ինչ, դրեզինից իջավ, տնակի ներսը նայեց։ Յես արդեն գիտելի, վոր պիտի խիստ պահանջի՝ ամեն ինչ, վոնց վոր հարկն է, կարգի բերի։ Արդեն ուզում եր գնալ. իսկ լես գանգատս արի։ Նա ել իսկույն սկսեց բղավել՝ «Եստեղ ասում ե, կառավարական ստուգում ե, քո եսպես-ենպեսը, իսկ դու բանջարանոցի համար ես գանգատվում։ Եստեղ, ասում ե,

գաղտնի խորհրդականներ կան, իսկ դու քո՝ կաղամբով ես մեջ ընկնում»։ Յես չհամբերեցի, մի խոսք ասացի, ասենք աչքքան ել վատ խոսք չեք, բայց դե նրան շատ վիրավորական թվաց։ Վոր չծեփեց... իսկ լես կանգնել եմ, կարծես հենց եղպես ել պետք է։ Գնացին նրանք, խելքս դուրսս լեկավ, յերեսս լվացի ու ճամփա ընկա։

— Իսկ տնակը, բա, վոնց կլինի։

— Կինս մնաց։ Աչքից բաց չի թողնի, ասենք իրենց հերն ել եմ անիծել իրենց ճանապարհի հետ։

Վեր կացավ Վասիլին, պատրաստվեց ճամփա ընկնի։

— Մնաս բարի, Իվանիչ, չգիտեմ դատաստան կգրտեսեմ արդյոք։

— Միթե՞ վոտքով ես գնում։

— Կայարանում ապրանքատարին կնստեմ, եգուց Մոսկվա կլինեմ։

Հրաժեշտ տվին իրար հարևանները, գնաց Վասիլին և յերկար ժամանակ չեք յերևում։ Կինը նրա տեղն աշխատում եր, որ ու գիշեր չեք քնում։ Ձեռից գնացել եր բոլորովին, իր մարդու ճամփան նայելով։ Յերրորդ որը ընկիզիան լեկավ անցավ։ Շոգեմեքենան, բազաժի վագոնը, հետո յերկու հատ առաջին կարգի, իսկ Վասիլին չկա։

Չորրորդ որը Սեմյոնը տեսավ նրա կնոջը։ Յերեսը արտասուքից ուռել է, աչքերը կարմրել։

— Յեկե՛լ է մարդդ, — հարցնում է։

Կինը թափ տվեց ձեռքը, վոչինչ չասաց ու գնաց իրենց տնակի կողմը։

Դեռ յերեխա ժամանակ Սեմյոնը սովորել եր ուռնուց շվիներ շինել։ Այրում է ուռնու փայտի միջուկը, ծակեր է բացում, վորտեղ հարկն է, ծալրին շվան է դնում ու ենպես լավ հարմարեցնում, վոր ինչ ուզում ես, ան ել նվազիր։ Պարապ ժամանակը շինում եր նա եղ

շվիններից և ապրանքատար գնացքի ծանոթ կոնգուկտորի հետ ուղարկում քաղաք — շուկա: Ենտեղ նրան տալիս ելին հատին յերկու կողեկ: Բեվիզիայից հետո յերրորդ ուրը նա կնոջը տանը թողեց՝ յերեկոյան ժամի վեցի գընացքը հանդիպելու, իսկ ինքը վերցրեց դանակն ու անտառ գնաց, ուռենու փայտեր կտրի իր համար: Հասավ նա իր գծամասի ծայրը, — այդ տեղում գիծը միանգամից թեքվում եր, — իջավ թմբից ու գնաց անտառով դեպի ներքև: Կես վերստի վրա մի ձահիճ կար և նրա կողքին շատ լավ թփեր կալին շվինների համար: Նա մի ամբողջ կապ փայտ կտրեց սև գնաց դեպի տուն: Գնում է անտառի միջով: Արևն արդեն իջել է: Խորը լուսթյուն է տիրում, լսվում է միայն, թե ինչպես ձովողում են թռչունները և խշխշում է վոտքի տակ չորափայտը: Մի քիչ էլ առաջ գնաց Սեմյոնը, շուտով և գիծը կլինի: Յեվ թրվում է նրան, կարծես ինչ-վոր մի ձաչն է հասնում ալանջին՝ կարծես ինչ վոր տեղ յերկաթը խփում են յերկաթին: Քալերն արագացրեց Սեմյոնը: Այդ ժամանակ նրանց գծամասում նորոգում չկար: «Ես ինչ կարող ե նշանակել», — մտածում է: Դուրս է գալիս անտառի լեզրը — առջևը յերկաթգծի թումբն է բարձրանում: Վերևում, գծի վրա մի մարդ է պազել ու ինչ վոր բան է անում: Սկսեց կամացուկ վեր բարձրանալ Սեմյոնը՝ կարծում եր վորևե մեկը պնդողակ է գողանում: Տեսնում է — ես մարդն ել տեղից չելավ, ձեռքին մի նիզ կա: Բռնացրել է նիզը ուսին, ու վոր չշարժեց մի կողմ: Մթնեց Սեմյոնի աչքի առաջը: Ուզում է բղավի — չի կարողանում: Տեսնում է՝ Վասիլին է, վազում է վերև, բաց նա նիզն ու բանալին առած թմբի մյուս կողմից գլորվում է ցած:

— Վասիլի Ստեպանիչ, ախպեր ջան, հոգիս, լես դարձիր: Տու՛ր նիզը: Մեկը դնենք տեղը, վոչ վոք չի իմանա: Յեա՛ դարձիր, փրկիր հոգիդ ես մեղքից:



Մթնեց Սեմյոնի աչքի առաջը, բազում է բղավի — չի կարողանում:

Յետ չնայեց Վասիլին, գնաց դեպի անտառ:

Կանգնել է Սեմյոնը տեղահան արած ռելսի մոտ, փայտերը ձեռքից վայր ընկան: Գնացքն էլ, վոր հիմա գա, ապրանքատար չի, մարդատար է: Յեվ կանգնեցնել էլ չես կարող՝ դրոշակ չկա: Ռելսն իր տեղը չես կարող դնել, դատարկ ձեռքերով բեռները չես կարող խփել: Վազել է պետք, անպայման վազել տնակն ու վորևե գործիք բերել: Տեր աստված, ոգնիր ինձ:

Վազում է Սեմյոնը դեպի իր տնակը, շունչը կտրրվում է: Վազում է, և հենց են է պիտի վայր ընկնի: Դուրս վազեց անտառից — մինչև տնակը հարյուր սաժեն է մնացել, վնչ ավելի, լսում է գործարանի շշակը սուլեց: Ժամը վեցն է: Իսկ վեցից չերկու ըուպե անց գնացքը կանցնի: Տեր աստված: Փրկիր անմեղ հոգիները: Կարծես հենց աչքի առաջը տեսնում է Սեմյոնը՝ կղիպչի շոգեմեքենայի ձախ անիվը ռելսի բաց ծայրին, կցնցվի, կողքի վրա կընկնի, կսկսի կոճերը ջարդել ու ցրել տալ, իսկ եղտեղ հենց վոլորոտն է, կլորացումը, և թումբը, և խորութունն էլ դեպի ներքև տասնմեկ սաժեն է, իսկ ենտեղ, յերրորդ կարգի վազոնում ժողովուրդն իրար վրա լե լցվել, լիքը մանր յերեխաներ են... նստած են հիմա նրանք, վոչ մի բանի մասին չեն մտածում: Տեր աստված, մի խելք դիր գլուխս: Չե, մինչև տնակը վազելու և լես դառնալու ժամանակ չկա:

Կանգ առավ Սեմյոնը, լես դարձավ, վազեց առաջվանից ավելի արագ: Վազում է գրեթե ուշքը կորցրած: Ինքն էլ չգիտի, էլ ինչ պիտի լինի: Հասավ տեղահան արած ռելսին՝ իր փայտերի կուլտն ընկած է եղտեղ: Կռացավ նա, վերցրեց մեկը, ինքն էլ չի հասկանում ինչի համար, շարունակեց վազել: Թվում է նրան, վոր արդեն գալիս է գնացքը: Լսում է հեռու սուլոցը, լսում է ռելսերը համաչափ ու կամացուկ ցնցվել սկսեցին: Ել վա-

զելու ուժ չկա: Կանգ առավ սարսափելի տեղից հարյուր սաժենի վրա: Եղտեղ կարծես լույս ծագեց նրա գլխում: Վերցրեց նա գգավը, հանեց միջից մի չթե թաշկինակ, կոշիկի ձաքից հանեց դանակը, խաչ հանեց յերեսը՝ տեր աստված, կամքդ լինի:

Խփեց դանակով իր ձախ թևին արմունկից վերև: Դուրս ցայտեց արյունը, վազեց տաք հոսանքով: Թրջեց նրանով իր թաշկինակը, ձգեց, հարթեց, կապեց փայտի վրա ու պարզեց իր կարմիր դրոշակը:

Կանգնել է, դրոշակն է թափահարում, իսկ գնացքն արդեն յերևում է: Չի տեսնում նրան մեքենավարը, շուտով կմոտենա, իսկ հարյուր սաժենի վրա չի լինի կանգնեցնել ծանր գնացքը:

Իսկ արյունը հոսում է ու հոսում: Սեղմում է Սեմյոնը վերքն իր կողքին, ուզում է բռնի աչն, բաց արյունը չի դադարում: Յերևի խորն է վիրավորել նա իր ձեռքը: Գլուխը պտտվեց, աչքերի առաջ սև ճանձեր յերևացին: Իսկ հետո բոլորովին սևացավ աչքերի առաջը: Ականջներում կարծես դանդեր են զողանջում: Չի տեսնում նա գնացքը, և չի լսում աղմուկը: Մի միտք կա գլխում՝ «Չեմ դիմանա, վեր կընկնեմ, դրոշակը վեր կըզցեմ, կանցնի գնացքն իմ վրայով... ոգնիր տեր աստված, մի մարդ ուղարկիր ինձ փոխարինելու»...

Ու սևացավ նրա աչքերի առաջ և դատարկութունը տիրեց հոգուն և նա վայր գցեց դրոշակը: Բայց գետին չընկավ արյունոտ դրոշակը՝ մի ինչ վոր ձեռք բռնեց աչն ու բարձր պահեց մոտեցող գնացքի հանդեպ: Մեքենավարը տեսավ աչն, փակեց կարգավորիչը և բացեց հակաշողին: Գնացքը կանգ առավ:


Դուրս թռան վազոնից մարդիկ, խռնվեցին եղտեղ: Տեսնում են՝ պառկել է մի մարդ, ամբողջովին արյուն-



Նոստալժիկ, ուշաթափ, մի ուրիշն ել կանգնել ե նրա մոտ
արլունոտ լաթով փաշար ձեռքին:

Նայեց Վասիլին բոլորի վրա, կախեց գլուխը:

— Կապեցեք ինձ, — ասում ե, — չես եմ տեղահան արել
ոեյսը:



ՀՀ Ազգային գրադարան



NL0390474

2937

ԳԻՆԸ 50 Կ.

В. ГАРШИН
СИГНАЛ
ГИЗ АРМ. ССР ЕРЕВАН

891.715
4-36